



MIZORAM LEGISLATIVE ASSEMBLY

GOVERNOR
HITESWAR SAIKIA

Speaker
Hiphei
Deputy Speaker
Vanlalngena

MINISTER WITH PORTFOLIOS

- | | |
|---------------------------------------|---|
| 1. PU LAL THANHWALA
CHIEF MINISTER | 1) Excise & Taxation
2) Finance
3) G.A.D.
4) Home
5) Industries
6) I.P.R
7) P & AR
8) P.W.D.
9) Political & Cabinet
10) P & E
11) P.H.E
12) P & S
13) Vigilance
14) Sports & Youth Services
15) Tourism |
| 2. JOHN LAL SANGZUALA
MINISTER | 1) Food & Civil Supply
2) Transport
3) Co-operation |
| 3. PU.C.L.RUALA
MINISTER | 1) Forest & Environment
2) Agriculture |
| 4. PU ROKANLOVA
MINISTER | 1) Rural Development
2) Planning & Programme
Implementation
3) Labour & Employment
4) Soil Conservation |
| 5. Dr.H.THANSANGA
MINISTER | 1) Education & Human Resources
2) Law, Judicial & Parliamentary
Affairs |
| 6. PU ZALAWMA
MINISTER | 1) Land Revenue & Settlement
2) Local Administration Deptt., |

MINISTER OF STATE

- | | |
|----------------------|---|
| 1. PU S.HIATO | 1) Health & Family Welfare
2) District Council Affairs |
| 2. PU P.SIAMLIANA | 1) Social Welfare
2) Trade & Commerce
3) Rehabilitation |
| 3. PU NIRUPAM CHAKMA | 1) Sericulture
2) Animal Husbandry & Vety |

J.K.KHENGLAWT,
Secretary

LIST OF MEMBERS OF SECOND MIZORAM STATE LEGISLATIVE ASSEMBLY

No. & Name of Constituency	Name of Members
1	2
1. TUIPANG	PU HIPHEI, SPEAKER.
2. SAIHA	PU S. HIATO, Minister of State.
3. SANGAU	PU H. RAMMAWI
4. LAWNGTLAI	PU F. MANGHNUNA
5. CHAWNGTE	PU NIRUPAM CHAKMA, Minister of State
6. TLABUNG	PU HARI KRISTO CHAKMA
7. BUARPUI	PU P. LALBIAKA
8. LUNGLEI (S)	PU F. SAPA
9. LUNGLEI (N)	Dr. R. LALTHANGLIANA
10. TAWIPUI	PU P. SIAMLIANA, Minister of State.
11. VANVA	PU R. ROMAWIA
12. HNAHTHIAL	PU VANLALNGHAKA
13. N. VANLAIPHAI	PU C. L. RUALA, Minister.
14. KHAWBUNG	PU K. VANLALAUVA
15. CHAMPHAI	PU ZORAMTHANGA
16. KHAWHAI	PU J. H. ROTHUAMA
17. SAITUAL	PU ANDREW LALHERLIANA
18. KHAWZAWL	PU TAWNLUIA
19. NGOPA	PU ZOSIAMA PACHUAU
20. SUANGPUILAWN	PU VANLALNGENA, Dy. Speaker.
21. RATU	PU LALRINCHHANA
22. KAWNPUI	PU VAIVENGA
23. KOLASIB	PU AICHHINGA
24. BILKHAWTHLIR	PU ZALAWMA, Minister.
25. LOKICHERRA (Zawlnuam)	
26. KAWRTHAM	PU SAIKAPTHIANGA
27. MAMIT	PU LALHUTHANGA
28. PHULDUNGSEI	PU LIANSUAMA
29. SATEEK	PU LALRAWNLIANA
30. SERCHHIP	PU LAL THANHAWLA, Chief Minister
31. LUNGPHO	PU P. C. BAWITLUANGA
32. TLUNGVEL	PU P. C. ZORAMSANGLIANA

1.	2.
1. AIZAWL 'N'-I	PU ROSANGLIANA
2. AIZAWL 'N'-II	Dr. H.THANSANGA, Minister.
3. AIZAWL 'E'-I	PU J.LALSANEZUALA, Minister.
4. AIZAWL 'E'-II	PU ROKAMLOVA, Minister.
5. AIZAWL 'W'-I	PU J. THANGHUAMA
6. AIZAWL 'W'-II	PU RUALCHHINA
7. AIZAWL 'S'-I	PU R.TLANGHMINGTHANGA
8. AIZAWL 'S'-II	PU LALDENGA

A CHHUNGA THU AWMTE

Page No.

I	Thutkhawm vawi I-na	15.3.1989 (Nilaini)	
	(1) List of Business	-	1
	(2) Zawhna leh chhanna	-	2
	(3) Announcement	-	9
	(4) Presentation of Report	-	9
	(5) Panel of Chairman a member ruatte puanna	-	12
	(6) Legislative Business	-	12
II	Thutkhawm vawi II-na	16.3.1989 (Nilaitawhtan)	
	(1) List of Business	-	15
	(2) Zawhna leh chhanna	-	15
	(3) Laying of paper	-	22
	(4) Legislative Business	-	23
III	Thutkhawm vawi III-na	17.3.1989 (Zirtawpni)	
	(1) List of Business	-	24
	(2) Zawhna leh chhanna	-	24
	(3) Private Member Resolution	-	42
IV	Thutkhawm vawi IV-na	20.3.1989 (Thawhtanni)	
	(1) List of Business	-	81
	(2) Zawhna leh chhanna	-	82
	(3) Legislative Business	-	95
V	Thutkhawm vawi V-na	21.3.1989 (Thewhlejni)	
	(1) List of Business	-	123
	(2) Legislative Business	-	125
VI	Thutkhawm vawi VI-na	23.3.1989 (Nilaitawhtan)	
	(1) List of Business	-	146
	(2) Zawhna leh chhanna	-	147
	(3) Bill sawihona leh bakna	-	156

- (d) DR. H. THANSANGA to beg leave of the House to introduce the Mizoram Salaries and Allowances of the Ministers of the Legislative Assembly (Amendment) Bill, 1989

ALSO

to introduce the Bill

SPEAKER : Tunah hi chuan Jerusalem leh Juda chhungte tan
Thil tha ka ngaihtuah leh thung dawn a ni,
Hlau suh u, Sipaihote LA LPA chuan a ti.
Heng hi in thil tih tur chu a ni ang :
Mi tinin mahni thenawm hnenah thudik tak
sawi theuh ula,
In kawngka bulah thudik leh remna ro rel
rawh u.
Tumah rengin in thinlungah in thenawmte tana
Tha lo tur chu suangtuah suh ula,
Dawta chhedham chu pawm suh u,
Heng zawng zawng hi ka thil huatte chu an ni,
Tih hi Sipaihote LALPA thu chhuak a ni si a.

Zakaria 8:15-17

Tunah kan thiltih leh tur
zawhna pakhatna-ah kan kal ang a, zawhna neitu
Pu P.Lalbiaka i lo ko ang u.

PU P.LALBIAKA : Pu Speaker, Question No.1-na
ka zawt e.

Will the Hon'ble Minister in-charge
Local Administration Department be
please to state -

- (a) Saikuti Hall sakna hmun tur tihfel
a ni tawh em ?
- (b) Tihfel nise, khawilai hmunah nge ?
A pass number engge ?
- (c) Engtikahnge hna hi tan theih a nih
ang a, eng hunah nge sak zawh theih
a nih ang ? tih Minister zahawm tak
ka zawt e.

PU ZALAWMA : Pu Speaker, Saikuti Hall sakna
MINISTER hmun tur tihfel a la ni lova,
a hmun tur dilna pawh Lungleia
Advisory Committee ang deuha an
siam atangin kan la hmu lova, Question (b) leh (o) pawh
hi, chu chuan a sawifiah main ka hria.

PU P.LALBLAKA : Pu Speaker, Saikuti Hall hi
tunhna P.C. hunlai atang tawh
khan a hming tur pawh hi phuah
a niin sak pawh tum a ni thin
a. Tin, Sorkar hrang hrang pawhin tih a ni thin a,
amaherawhchu vawin ni thlenga a hmun pawh kan lo la
nei lo hi a zahthlak hlein ka hria a. A hmun tur hi
Assam Rifles Quarter Guard hmun hluiah sawn ni turin
kan lo ngai a.

Amaherawhchu M.N.F. Sorkar laia
kan Minister pakhet Lunglei lo kal khan a hmun tur pawh
in nei lova, Saiha-ah kan rawn sak ang che u tih khawpin
Lunglei mipui min vau a. Chutiang khawp chuan a hmun
tur vawin ni thlenga kan la nei lo hi a zahthlak hlein
ka hria a. Kan sorkar thar hianin min ngaihtuah sak
ngei ngei turin tunah hian ka ngen nghal a ni, min
ngaihtuah sak tur pawn Assurance engemaw tal min pek
pawh ka phut a.

Tin, Saikuti Hall sak nan Quarter
Guard hmun saw ni turah kan lo ngai a, amaherawhchu tun
kan M.N.F. Ministry kal ta khan D.C.Revenue Office-ah leh
S.P. Office-ah Cabinet Decision-in a pe tih kan hria a.
Hei hi tihdanglam theih a ni ang em? sawmi hmun pang-
ngai mipuina kan lo neih thina saw tihngheh theih a ni
ang em? dah leh theih a ni ang em? tih ka rawn zawt
tel duh bawk a ni.

PU VANLALNGHAKA : Pu Speaker, tuna Member zahawm
takin a zawh ang khan Saikuti
Hall saw a hmun ngaihtuah turin
Lunglei Town Advisory Committee
kutah dah a ni a. 1985-a kan V/C Pu Lalnithanga-ho
chuan Tennis Court hawng hman a Assam Rifles Quarter
Guard awmna kha pek nisela kan ti a. Aizawl Directo-
rate lamah pawh chu chu vawn phei a ni a. Kha lehkha
kha tuna kan Minister zahawm takin min chhanna atang
chuan a bo niin a hriat a. Kha kha a chhuichhuah leh
theih em? tunge ti bo tu? a tibotu chungah sorkar-
in action a la dawn em?

PU LALHUTHANGA :

Pu Speaker, zawhbelhna -
Saikuti Hall han tih hian
hei Vanapa Hall kan neih
hi rilruin a hre nghal mai a,
Hall kan sak dawn hian plan fek fawk neia khawpui
timawitu ram cheitu a nihna ang ngei hian tuna a sak
dan tur ruahman hi Vanapa Hall ang tut hian an ti leh ang
tih ka hlau a. Mawitham leh tha tham leh mipui tana
chenfakawm tur hian ruahmanna a sak dan turah hian a
awm em tih ka zawt duh a ni e.

PU ZALAWMA :
MINISTER

Pu Speaker, Saikuti Hall chung-
chang ngaihtuahna hi a rei viau
tawh a. 1985 atang tawh khan
he thil hi ngaihtuah tan a ni
a. Amaherawhchu a hmun thua harsatna a awm avangin
Lunglei Town Advisory Committee hian a hmun thua eng-
emaw chenah Lunglei Town chungna nih avangin harsatna
an nei a. Tuna Hall Sangngai Town Hall awmna hmun saw
a te lutuk an ti a. Assam Rifles Quarter Guard hmun hi
a tha mai lawm ni an ti a. Mahse chu chu D.C. Office
atan (Complex atan) ruahman deuh a ni a. Tuna D.C.
awmna lai Tennis Court saw proposed-na Committee-naah
pawh sawi chu a awm tih hriat a ni a.

Tin, chuloah pawh Children
Park Chandmari pheia mi saw a tha mai lawm ni tiin
rawnate chu an nei a ni awm a. Amaherawhchu keini
Revenue Department-ina kan hriat dan chuan 23rd March,
1988-ah khan Town Committee hi a hmun chungchangah
thutkhawmna an nei leh a. Chumi-ah chuan a hmun tur
han recommend tur chiah sorkar hmasa khan an hriat loh
avangin pending-in a awm ta a.

1984-86-ah pawh khan tuna kan
Chief Minister hruai Congress Ministry khan hmalak an
han tum hle a, amaherawhchu sorkar inthlak avang khan
kha kan hmalakna Town Advisory Committee-ten proposal
an tiha kha kenkawhpui tluanchhuah a ni ta lova. Town
Advisory Committee chu 23rd March, 1988 khan an han
thu leh ta a. Tichuan thil a lo kal zel a, tunah hian
a hmun tur dik tak rawn dilna chat an la neih theih loh
avangin kan Department atang chuan a hmun han pek ngaih-
na kha a awm lova. Keini chuan a hmun tihfel hma chuan
a area turte, a building kalhmag dan tur te, a site
location area te, a area a zir khan plan an la siam
chauh turah kan lo ngai mai a. Keini mawhpurhna chin-
ah chuan a hmun chungchang an rawn dil ang a ngaihtuah
tur kha kan ni a.

Tin, 1985 atanga kan D.C.
hmasa tena an lo ngaihtuah tawhna Petition emaw Re-
presentation emaw Revenue Department-ah a la fel theih
loh avangin proposal thenkhat an rawn siama kha engmah

action lak mumal theihin a la awm lo ta a ni. Tunah hian kan Buarpu bial M.L.A. zahawm tak rawtna ang khan. Department chuan Lunglei Town Plan hrim hrim hi tunah pawh sorkar hmasate hmun leh loram an lo pek dan te, town area public area encroachment lam dan te hriat a lo ni zel a. Lunglei lampanga site Public thil atan te mimal dilna thil atan te, a hmun enfel hma pheii chuan tunah pass tam tak pawh stay a ni a, dilna tam tak pawh ngaihtuah theih loh a ni a. Chumi chu va enfel turin Session zawh veleh kan Revenue Director pawh a va kal ang a, Town Advisory Committee-in kan Director kalte hnena thil awmdan an lo thien chuan enfel pui nghal turin a inchah theihin ka ring. Chu chu thil awmdan tlangpui a ni Pu Speaker.

PU SAIKAPTHIANGA : Pu Speaker, 1984-86 laia Congress Ministry khan Saikuti Hall sakna tur hi Children Park bul velah tihfel a ni a. M.N.F a lo sorkar a, Saikuti Hall sakna tur ruahmanna lai kha cancelled-in M.N.F. hruaitute'n inhmunah an issem zo tih hi a dik em ?

PU ZOSIAMA PACHUAU : Pu Speaker, Saikuti Hall Lungleia piang tur a hi kan Bible-a Isua Krista piang tur an sawi ang deuh a ni a, hming an puah hmasa a, hmun a nei lo a, Bethlehem Barwg inah a piang ta nge nge tih ang deuhin Zobawk-ahte pawh sawn hmun a awm mai lawm ni ? Saikuti Hall hian Lungleiah hmun a chang lo, sorkar hrang hrang kan indem a, chumite sorkar lai chuan hmun chutiang chu tih a ni a, amah-erawhchu chutiang chuan a awm leh ta a tihte kan hn inpuh nek nek thin a. Chutiangang thil a awm avang chuan hei sorkar hi kan inthlak kan inthlak mai a ni a, tuna kan sorkar-a kan Revenue Minister hian kan Session zawh veleh hian tifel vat sela, hmun thalai saw-mi Tennis Court vel saw vuah leh chawt mai sela. Chuti a nih loh chuan nakumah emaw sorkar-na kan inthlak leh ang a, a buaithlak lutuk, hei hi hriatsa a tha lawm ni ka ti a ni.

PU P.LALBIAKA : Pu Speaker, zawhbelhna - kan Minister zahawm takin a sawi, Chandmary pheii Children Park chungchang thu Saikuti Hall

sak nana Lunglei Town Committee-in an duh deuh thu a sawia kha a chhan chu, hei hi a ni, M.N.F. Ministry-ah khan Chandmari phei kawngchhak kha mimal hnena pek zal vek an tum a, Mimal hnena pekral kha Chandmari Y.M.A. te leh Vantlengin kan duh lo a.

Tin, Lunglei khawpui pawhin kan duh lo a. Chuvang chuan a hmun hauhna turin Chandmari Children Park kha D.C. lampang atengin an rawn tah a nih ka ring a. Chuti a lo nih chuan a hmun hlui pangngai Assam Rifles Quarter Guard-ah a leng lo a nih pawhin M.N.F. kumlaia S.P. Office at anahte leh Revenue Office atana an pek hmunah sawn thawl zanin lian tha tawkin a sak theih a. Chumi chu tifel turin tuna Director lo kal turate chu a tih tir theih mai lawm ni tih ka zawt e.

PU ZALAWMA :
MINISTER

Pu Speaker, Children Park hi Saikuti Hall hmun atan Towr Advisory Committee-te pawhin hualna deuh chu an lo nei tawh

a. Amaherawhchu Park te tak te-ah sawn a building Plan-te nen a kan ngaihtuah a an duh len dan azirin a leng dawnin an hre lo a. Chuvangin hmundangah kan hmuh theih hunah kan rawn ngaihtuah leh dawn nia tiin Lunglei Town Advisory Committee-in sorkar an rawn hriattir dan a ni mai a, ka sawi tawh angin kan Revenue Director pawh Session zawh hian kal phei a tum a, a va enfel ang a, Town Committee hian hmun dil bik leh tha niawma an hriat chu an lo sawipui ang a. Chung hunah chuan ngaihtuah theih a ni ang chu. Town Advisory Committee-in a hmun tur mumal an hriat hma chuan keini tan chuan allotment order han siam thuai thuai kha thiltih theih a ni lo a, dilna hmun (a area) awm hmaa, pass a innawra kha thil kalhmang a ni lo a.

Tin, Saikuti Hall tih hming hi Ngopa bialtu M.L.A. zahawm takin a sawi ang khan, a hming vuah hi P.C. Party sorkar laia tih a ni a, an lo vuah hmasa a, an bawhzui leh si lo va, a pawl viau a ni. Chuvangin hetiang hi chin loh a tha viau tih ka han hrihfhiah duh bawh a ni.

SPEAKER :

Question number pahnihna-ah kan kal ang a, Pu Zosiama Pachuau-in lo zawt sela.

PU ZOSIAMA PACHUAU :

Pu Speaker, Power & Electricity Minister min chhan atan zawhna kan zawt ang e.

Will the Hon'ble Minister in-charge
Electricity Department be please to state -

- (a) Mizoram thingtlang khua leh khawpui
chhunga Electric kan neih mek tawhah
hian Meghawatts engzat nge kan mamawh ?
- (b) Financial Year 1989-90 chhung hian
thingtlang khaw engzat nge Electrified
kan tum ? engzat nge kan target tih a
ni e.

PU LAL THANHAWLA :
CHIEF MINISTER

Pu Speaker, member zahawm tak
zawhna kha a chhanna chu
hetiang hi a ni -

Electric kan neih tawhna khua
zawng zawnga kan mamawh zat Meghawatts chu 31 Meghawatts
a ni a. Tin, 1988-89 chhunga khaw tihem tum chu 52
(sawmnga pahnih) a ni a.

Tin, nakkum Financial Year
chhunga khaw tihem tum zat chu sawmruk panga (65) a ni
e.

PU ZOSIAMA PACHUAU :

Pu Speaker, tuna 31 Meghawatts
kan hman mekah hian Diesel
Engine atangin Meghawatts eng-
zat nge kan tihchhuah a, hmun

dang atanga kan lak hi Meghawatts engzat nge ?

PU LAL THANHAWLA :
CHIEF MINISTER

Pu Speaker, tunah hian kan
mamawh sawmthum pakhat (31)
atang hian 25 Meghawatts vel
chauh kan hmu a. Diesel

Engine atanga kan hmuh chu 20 Meghawatts vel a ni a,

PU ZOSIAMA PACHUAU :

Pu Speaker, Diesel atang
khan 20 Meghawatts kan hmu a,
Pawn lam atangin 5 Meghawatts.
31 Meghawatts kan mamawh si a.

(b)-na a mi kha ka Supplement leh duh a, thingtlang
khua sawmruk panga (65) kan target-te hi, a Village-te
hi identified an ni tawh em ?

PU LAL THANHAWLA : Pu Speaker, a hmasa a mi kha
CHIEF MINISTER kan member zahawm tak a infor-
mation atan. Kumin chhunga
tihen tum zat chu sawmnga
pahnih (52) a ni a. Khami 52-ah khan 27 tihen tawh a ni
a, a dang la tih en loh 25 awma kha tun Financial Year
chhung ngei hian tihen tum a ni a. Amaherawhchu materials
duh anga a hmuh zung zung theih loh avangin hnathawh a
harsa a. Chutichung chuan hma tum anga hlen tho tum a ni.
Tin, nakum ami tur kha a zawng a zain identified a la ni
lo.

PU ZOSIAMA PACHUAU : Pu Speaker, din sek hi min nin
takin kan zawt hnem deuh mai
ang a. Power Source hi kan nei
tha tawk vak lo a, a short falls
kha 6 Meghawatts lai a ni a. Hemi khua kan pek leh tura
te hi khawi atangin nge a power hi kan lak ang tih ka
hre duh a.

Tin, a pahnihna-ah chuan P.H.E.
ho-in theihpatawp an chhuah a. Hnahthial khawlaiahte
pipe an zam teuh a. Amaherawhchu chu tuihnar a kang
thung a. Chutiengang deuh chuan kan khaw tihen turate
hi a hui hi mi mithmuhin kan zam ang a, a eng mi mit-
hmuh tur a awm lo thei mai lawng maw tih ka va hre duh
em !

PU LAL THANHAWLA : Pu Speaker, tunhmain khatiang
CHIEF MINISTER thil kha a lo awma nih chuan
mawh kan phur lo ang a. Kan
hnu-ah erawh chuan a hruí in-
zamna apiang chu a eng zel dawn a ni. Tuna Diesel lo
atanga kan hmuh hi 66 K.V..... kan tih atangtein a ni
a. Amaherawhchu tunah hian vanduaithlak takin Lokicherra
a kan transformer a chhiat rih avangin harsatna min siam
a.

Tin, 132 K.V. line Jeribam
atanga lo kal atangtein a ni a. Tunah hian Zembawk-ah
12.5 M.V.A transformer dah tum mek a ni a. Chutatang
chuan 10 Meghawatts (extra) neihbelh theih beisei a ni
a. Chu chu tuna a hnar deuh awmchhun leh kan beisei
hnaih theih deuh a ni.

PU ZOSIAMA PACHUAU : Pu Speaker, Diesel Engine hi
tun kumthar-ah hian engzat
nge neih belh kan tum ? Khawi
hmunahnte nge dah kan tum ?

PU LAI THANAWLA : Pu Speaker, Diesel Engine hi
CHIEF MINISTER a to lutuk a, India ram pumpui-
ah an discourage tawh a, an
remti tawh lo a.

Amaherawhchu keini chu kan hun
hmasa-ah khan Prime Minister zahawm takin kan harsatna
bikte hrethiamin min phal sak a, pawisa pawh vibelchhe
hnih aia tam min pe nghal a. Chu chu kan hmang zo hman
ta lo a. Tunah hian Diesel Engine hman tawh lova, Hydrel
Project atangte-a lak hi sorkar tan chuan a tha zawk a.
Chuvangin nakin zela a pawisa sennate pung lo turin
Mini-Hydrel Project zawngte in tih tlem dan zawn kan tum
a ni.

SPEAKER : Wawin atana Questions pahnih
chauh kan neihte chu kan ti zo
ta a. Tunah hian Member-te
tana hriattur thil puan tur
pakhat kan puang lawk ang e, Inthlan lai khan Pu Lai
Thanawla'n Constituency number 25 - Lokicherra-ah leh
Constituency number 20-Serchhip-ahte a duh ve ve a.
Chumi seat hnihah chuan thlantlin a ni ve ve a. Election
danin a phut anga pakhat chu a bansan a ngai a. Consti-
tuency number 25-Lokicherra bial seat chu bansan a duh
zawkna thu lehka 3rd February, 1989 khan ka hnenah a
theh lut a ni. Dan anga pawm sak a nih hnuin Constituency
number 25-Lokicherra bial chu tunah hian tihruah a ni ta
a ni tih ka hriattir duh che u a.

Tin, chumi thuah chuan Notifica-
tion pawh kan chhuah tawh a, in lo hmuh ka beisei a ni.

PU ZOSIAMA PACHUAU : Pu Speaker, Member-te hianin
Gazette Notification Copy hi
kan hmu hauh lo a nia, i sawia
pawh kha kan la hmu lo.

SPEAKER : La hmu lo palhte in awm a nih
chuan in hmuh loh thu office
lamah sawi ula, Hei hi dan
angin tihchhuah a ni tawhin
Radio-ahte puantir a ni a. Amaherawhchu hmuh loh palh
chu thil awm thei a ni.

India danpui Bung 174 chang 1-na
in a phal angin Mizoram Governor-in Legislative Assembly
thutkhawm wawihnihna leh Budget Session Nilaini

15th March, 1989--a neih tura a koh angin chu thutkhawm-naa thiltih tur engemaw sawiho turte chinfel leh a hun ruatfel turin B.A.C. thutkhawm 6th March khan koh a ni a. Tin, chumi hnuah an thiltih chu ennawn leh turin 10th March khan koh nawn leh a ni a. Business Advisory Committee thukhawm chuan hetiang hian Programme a lo siam chhin a ni -

Session chu ni sawm pasarih chhung 31st March thleng neih ni sela. Tin, kan thut hun tur chu nitin, chawlhni leh Holiday a nih loh chuan 10.30 A.M. a thut thin nisela, kan thutkhawm hun tur hi a ni belkhawmin ni sawm leh pakhat vel tur anga ruahman a ni rih a.

Kan danin a phal angin zirtawpni apiang hi chawlh a nih loh chuan emaw Speaker in a ruat bik a nih loh chuan emaw, Sorkar thiltih tur pawimawh tak a awm a nih loh chuan Private Member-te tan a ruat bik tur a ni a. Mahse Zirtawpni March ni 24th khi Good Friday a nih avangin Committee chuan 17th March ni hi Private Member Business ngaihtuah ran a ruat ta zawk a ni. Tihur a tam deuh hlek avangin Zirtawpni dt 31st March, 1989 khi sorkar thil ngaihtuah nana hman nisela a ti baw a.

Tin, dt 23rd March, 1989 (Thursday) hian Supplementary Demand for 1988-89-te Annual Budget for 1989-90 leh a kaihnawih lehkha pawimawh dangtebo kha pharh theih beisei a ni a. Dan angin hengte hi House-a pharh a nih ni atanga nihnih a ra ama chuan sawihona neih phal a ni lova. Chuvangin Committee chuan dt 27th March, 1989 Monday hi Supplementary Demand for 1988-89 leh Appropriation Bill, 1989 te sawiho leh vote nan leh 1989-90 Budget sawiho nan a ruat a.

Dt. 28.3.1989 (Tuesday) hi 1989-90 Budget Sawiho nana ruat a ni a. Tin, a hni ni thum Dt. 29,20 leh 31 Wednesday, Thursday, Friday-te hi 1989-90 atana Demand hrang hrangte sawiho nan leh vote nan ruat a ni. Heng thil ngaihtuah turte sawiho hura hunbi tuk dan erawh chu Speaker thu a ni ang a. House ngaihdan lak hi Speaker pawhin he thu hi a rel thuk a ngai ang.

Tichuan Business Advisory Committee Mizoram Legislative Assembly thutkhawm vawihnihna leh Budget Session hun hman dan tur chu hetiang hian a ruat chhin ta a ni. Dt.15.3.1989 (Wednesday) ah sorkar thiltih tur zawhna leh sorkar pawimawh dang, Dt. 16.3.1989 (Thursday) hi zawhna leh sorkar-in a tihur a neihte tih nan. Tin, dt. 17.3.1989 (Friday) hi Private Papers-te tan bika tih a ni. Dt 18.3.89 leh 19.3.89 hi chawlh a ni a. Dt.20.3.1989-ah Sorkar thil pawimawh sawiho leh a ni ang a. Dt.21.3.89 hi Sorkar thil pawimawh dt 22.3.89 hi Holiday(Holi) a ni a. Kan chawl ang a, dt.23.3.89-ah chuan Presentation

of Supplementary Demand te, Annual Budget for 1989-90 te leh Allied Papers te leh Sorkar thil pawimawh dangte tih nana ruahman a ni a. Tin, dt.24.3.89 khi holiday (Good Friday) a ni a. Dt. 25.3.89, 26.3.89 holiday a ni leh a, dt 27.3.89-ah sorkar thil pawimawh khami Budget kha sawihona a ni ang a, dt.28.3.89-ah khan a kal zel ang a, dt.29.3.89 kan ti leh ang a, dt.30.3.89 kan kal chho leh ang a, dt 31st.3.89-ah he session hi zawh hman kan beisei a. Chu chu B.A.C. in tuna kan thutkhawm dan tura a lo ruahman a ni. Chu chu pawm theih a ni tih House-ina a ngaihdan a siam ngai a pawm mai a rem mai lawm ni ?

PU LIANSUAMA :

Pu Speaker, tuna Business Advisory Committee-ina tuntum kan Session chhunga Programme an siam kha tha tawh hlein ka

hria a. Kan danin a a tarlan angin Business Advisory Committee Member chu Pu Speaker nanging i chair ang a. Tin, Parliamentary Affairs Minister-a tel anga Member dang thenkhatte nen tiin. Kha Programme siam a nih atanga vawin ni thleng hian M.N.F., MLA thlantlin chhun te an lo tel ve lo hi a paw kati hle a. Tin, chanchinbute leh hmun thenkhat, khat atanga kan hriat dan chuan tuna kan Session hi an boycott dawn niin ka hria. Tak tak a nih pheih chuan a vanduai thlak hlein ka ring a.

Mizo mipuite hian kan aiawh kan thlang a. Chu thlantlinte chuan kumthar lo awm leh tura kan pawisa hman lehna tur, khawtina kan pawisa hman tur, nichina Ngopa bialtu zahawm takina a rawn zawh ang chi Electric te leh thil dang dang ruahmanna sawihona a an lo tel lo tura hi a vanduai thlak a, an aiawh mipuite tan pheih chuan a huatthlala hlein ka hria a ni.

Chuvangin he House-a hi a tute atang khan thu Protom Speaker hmaah an tiam a. India dan dik tak danpui vawngim turin. Tin, Assembly Session-ahte Daily Allowance te, T.A., D.A. engkim member ten kan nei a, A/Roll ka ve en a, hlawh la hmasa sa an ni a. Ram rorelna a tel leh duh si lo hian engnge an awmia aw tih mi ngaihtuahtir a. Chuvangin vawinah Salaries a nd Allowances Amendment Bill-te kan pulut dawn a. Chungah chuan he rorelnaa tel duh silote hlawh hi tihtlem ka duh a ni, kan la sawi ang a. Engvangin nge Pu Speaker MLA kan nih ? kan ram leh kan bial mipuite tana rorel tura thlan kan ni. Chuta tel duh tlat silo chuan engvangin nge chu hlawh chu an hmuh ve ang. Chuvang chuan he B.A.C. in Programme a lo siam tawha hi House-in min pawmpui ka duh rualin, hetilala lo tel ve lote chu T.A., D.A. an hmu lovang tih mai nilovin an hlawh thlengin an hmu lovang tih hi ka phut tlat a ni.

Chuvang chuan min thlangtu tena min thlan chhan kan thawh duh silova, a pawisa chauh lak lak hi eng a awmzia. Chuvang chuan mipui min hmusit a ni. An thlangtute min hmusit a ni. Chuvang chuan hetiang rorel tlak lohvin kumkhat leh thlakua min lo awp a, kan chhiat thui tawhzia siam tha tura tan kan laknate. hi an hmai chhana sawi ka duh a ni. Pu Speaker, rem i tih chuan tihdan ngai loh pawh nise, khawngaitakin kan Session-ah hian lo tel tehse. Tichuan he B.A.C.-ina, wawinni atanga tana a kara Holiday te Good Friday te, Sunday, Saturday bakah ni-11- kan thutkhawm turah hian kan zo hman hle dawnin a lang a.

Chuvangin he House hian i rawn sawi ang khan min pawmpui turin ka rawn rawt ve a, member a sawisel awm awm chiate, thil sawi pawh thiam chia te an awm bawk silova, chuvang chuanin kan passed nhal mai dawn lawm ni ? ka rawn rawt e.

SPEAKER : Pawm kan remti tlang em ? remti lo kan awm em ? Tichuan B.A.C. ina a lo ruahman ang hian he House hian a pawm ta a ni. Tin, Session chhunga Panel of Chairman tur kan puang ang e. Pu Andrew Lalherliana, Pu P.C. Bawitluanga, Pu Vaivenza, Pu R.Romawi-a tih a ni a.

Tunah kan tih tur dangah kan kal leh tawh ang a. Bill pahnih kan Chief Minister-in introduce tur a nei a. Chu chu Mizoram Sales Tax Bill, 1989 leh Mizoram Sales of Petroleum and Petroleum Products including Motor Spirits and Lubricants) Taxation (Amendment) Bill, 1989 a ni a. He thil pahnihte hi introduce turin House phalna han dil sela.

PU LAL THANHAWLA : Mr. Speaker Sir, I beg to leave CHIEF MINISTER of the House to introduce the Mizoram (Sales Tax Bill, 1989 and also to introduce (Sales of Petroleum and Petroleum Products including Motor Spirits & Lubricants) Taxation (Amendment) Bill, 1989.

SPEAKER : Introduce turin House phalna a kil a. A introduce kan phal sak em ? (Members-te : phal sak e) tunah introduce turin ko ila.

PU LAL THANHAWLA :
CHIEF MINISTER

Mr. Speaker Sir, thank you for permitting to introduce, the two Bills I hereby introduce the said two Bills.

SPEAKER :

Tunah Dr. H. Thansanga, Parliamentary Affairs Minister-in Bill pahnih a nei a. Chu chu (a) Mizoram Salaries and

Allowances of the Speaker and the Deputy Speaker of the Legislative Assembly (Amendment) Bill, 1989 leh (b) Mizoram Salaries and Allowances of the Ministers of the Legislative Assembly (Amendment) Bill, 1989 introduce turin House phalna han la sela.

DR. H. THANSANGA :
MINISTER

Pu Speaker, Mizoram Salaries and Allowances of Speaker and Deputy Speaker of the Legislative Assembly (Amendment) Bill,

1989 chu tunah hian introduce min phalsak turin House hi ka rawn ngen e.

SPEAKER :

Introduce kan remti em ? Kan remtih chuan han introduce sela.

DR. H. THANSANGA :
MINISTER

Pu Speaker, Members Salaries kha kan la ti dawn lova. Tuna Mizoram Salaries and Allowances of the Speaker and the Deputy

Speaker of the Legislative Assembly (Amendment) Bill, 1989 hi tunah House-ah hian ka rawn pulut e.

SPEAKER :

Tunah thildang pakhat a la nei a. Chu chu Mizoram Salaries & Allowances of the Ministers of the Legislative Assembly (Amend-

ment) Bill, 1989 a ni a. Chu chu introduce turin House phalna han dil leh sela.

DR.H.THANSANGA : Pu Speaker, Mizoram Salaries &
MINISTER Allowances of the Ministers of
the Legislative Assembly (Amend-
ment) Bill, 1989. Hei hi House-
a putluh min phalsak turin House ka rawn dil e.

SPEAKER : A introduce kan remti em ? Kan
remtih chuan tunah introduce
sela.

DR.H.THANSANGA : Pu Speaker, Mizoram Salaries
MINISTER and Allowances of the Ministers
of the Legislative Assembly
(Amendment) Bill, 1989 chu
House-in putluh min phalsak avangin ka lawm hie a. Tunah
he thil hi ka rawn putlut e.

SPEAKER : A copy kha han sem rawh ule.
Copy pekhmaih palhte kan awm
em ? Hei Bill pali zir tur kan
nei ta a, chhiar fe : ngai dawn
a. Mahni nupuite bula mut san mai lovin, ngun taka
chhiar a ngai dawn a ni. Awle, vawiin atan chuan kan
tih tur chu kan lo zo t-a a ni.

Meeting adjourned at 11:20 A.M

J.K.KHENGLAWI,
Secretary.